



Sumáriu Kazu
Tribunál Distritál Oekusi
Outubru 2021

Afirmasaun: Sumáriu Kazu tuirmai ne'e deskreve faktu sira no prosesu iha tribunál tuir JSMP nia monitorizasaun independente, no deklarasaun ne'ebé parte sira fó iha tribunál nia laran. Informasaun ne'e la reprezenta JSMP nia hanoin hanesan instituisaun ida.

JSMP kondena maka'as forma violénsia hotu-hotu, liuliu hasoru fetu no ema vulneravel. JSMP afirma la iha justifikasaun ba kualkér violénsia hasoru fetu.

A. Sumáriu prosesu julgamentu kazu iha Tribunál Distritál Oekusi
1. Totál kazu ne'ebé JSMP monitoriza: 20

Artigu	Tipu kazu	Númeru
Artigu 145 Kódigu Penál (KP), konjuga ho artigu 2, 3, no 35(b) no 36 Lei Kontra Violénsia Doméstika (LKVD)	Ofensa ba integridade física simples ho natureza violénsia doméstika no tipu ilícitu sira kona-ba violénsia doméstika.	16
Artigu 154 KP	Maus-tratus ba kónjuje	1
Artigu 177 no 176 KP	Abuzu sexúal ba menór no pornografia infantil	1
Artigu 145 KP	Ofensa ba integridade física simples	2
Totál		20

2. Totál desizaun ne'ebé JSMP monitoriza : 18

Tipu desizaun	Artigu	Númeru
Suspensaun ba prizaun nia ezekusaun	Artigu 68 KP	12
Multa	Artigu 67 KP	1
Admoestasaun	Artigu 82 KP	3
Omologa pedidu dezisténsia keixa	-	2
Totál		18

3. Totál kazu sira ne'ebé kontinua prosesu tuir JSMP nia monitorizasaun : 2
B. Deskripsaun sumáriu julgamentu ba desizaun kazu sira:

1. Krime ofensa ba integridade física simples ho natureza violénsia doméstika

Nú. Prosesu : 0052/21.OESIC
Kompozisaun Tribunál : Singulár
Juis : Dr. Hugo da Cruz Pui
Prokuradór : Dr. Pedro Baptista Aleixo dos Santos
Defeza : Dr. Calisto Tout
Desizaun : Pena prizaun tinan 1 fulan 6 suspenso ba tinan 2

Iha 01 Outubru 2021, Tribunál Distritál Oekusi prezide leitura sentensa ba krime ofensa ba integridade fízika simples ho natureza violénsia doméstika ne'ebé envolve arguidu APG hasoru nia feen MP iha Distritu Oekusi.

Akuzasaun Prokuradór

Prokuradór akuza katak iha 09 Maiu 2021, iha oras tuku 18:00 lokraik. Antes ne'e lezada ho arguidu nia alin mane iha ona problema tanba arguidu nia alin mane lakoi ajuda lezada fó han fahi. Kuandu arguidu fila mai lahusu lezada maibé husu de'it ba nia alin hafoin sira na'in rua deskute malu ate arguidu nerboju basa lezada dala tolu iha hasan karuk dala rua no loos dala ida. Arguidu mós kontinua tuku tan lezada dala ida iha rentos. Konsekuensia husi arguidu nia agresun fízika ne'e rezulta lezada sofre moras apenas hetan bubu no metan. Kazu ne'e aneksa hamutuk ho relatoriu médiku husi Pradet no fotografia hasai husi polisia.

Prokuradór akuza arguidu kontra artigu 145 KP kona-ba ofensa ba integridade fízika simples ho moldura penál to'o tinan 3 ka multa, konjuga ho artigu 2, 3(a), 35(b) no 36 LKVD.

Produsaun prova sira

Iha julgamentu, arguidu konfesa faktu hotu iha akuzasaun. Arguidu arrepende ninia hahalok, promete sei la repete ninia hahalok ne'e hasoru lezada ka ema seluk iha futuru, foin primeiravés mai hatan iha tribunál, serbisu hanesan hakerek kupon SDSB ho rendimentu kada loraon máximu US\$4.00 no iha oan na'in ida. Arguidu haktuir tan katak depoisde akontesementu ate agora arguidu lahala ona krime hasoru lezada no arguidu ho lezada seidak dame malu no ate agora sira la helahamutuk. Arguidu deklara tan katak arguidu hola malu ho lezada desde iha 2018 no lakohi ona moris hamutuk ho lezada tanba durante sira moris hamutuk sempre iha problema. .

Entretantu lezada kontinua konfirma faktu sira hotu iha akuzasaun no deklara katak depoisde akontesementu ate agora arguidu lahala ona agresun fízika hasoru lezada tanba sira na'in rua hela keta-ketak. Lezada mós haktuir tan katak depoisde akontesementu, sira sedauk diak malu no arguidu nunka fo alimentasaun ba iha ninia oan.

Testemuña Marcos Co'e nu'udar membru polísia depoimenta testemuña haree arguidu tuku dala ida iha lezada nia ren-toos no dala rua iha hasan parte karuk no dala ida iha hasan parte loos no depoisde akontesementu to'o agora arguidu ho lezada moris separadu.

Alegasaun finál

Prokuradór konsidera arguidu ninia hahalok sira provadu tuir akuzasaun prokuradór nian no arguidu rasik konfirma

. Tuir intendementu prokuradór nian katak loloos arguidu iha maneira seluk atu atua kualker problema tanba lezada hanesan arguidu nia parseiru intímu no laiha razaun atu rezolve problema hotu iha uma laran tenke ho agresaun fízika hasoru lezada no pior liu tan depoisde akontesementu arguidu abandona lezada ho bebe ne'ebé foin fulan 6. Prokuradór mós haktuir tan katak kazu sira ne'ebé akontese entermus entre feen-laen ne'ebé barak liu akontese iha Oekusi kompara ho munisipiu sira seluk. Tanba ne'e husu ba tribunál atu aplika pena prizaun tinan tolu suspende ba tinan tolu.

Entretantu defeza intende katak durante iha produsaun ba prova arguidu rasik kolabora di'ak ho tribunál, arrepende ninia hahalok, seidauk di'ak malu tanba depoisde akontesementu arguidu ho lezada hela la hamutuk, oan na'in ida, serbisu hanesan hakerek kupon SDSB laiha rendimentu fixu kada fulan. Tanba ne'e, defeza husu ba tribunál atu aplika pena ne'ebé adekuaudu ba arguidu tuir nia sala.

Desizaun

Depois avalia faktu sira hotu, tribunál prova katak arguidu nerboju basa dala rua iha lezada nia hasan parte karuk no dala ida iha hasan parte loos. Prova mós katak arguidu kontinua tuku tan dala ida iha lezada nia ren-toos no konsekuensia husi arguidu nia agresaun fízika ne'e rezulta lezada sofre moras apenas hetan bubu no metan.

Bazeia ba faktu hirak ne'e hotu no tetu mós sirkunstansia agravantes no atenuantesira hanesan arguidu arrepende ninia hahalok, promete sei la repete ninia hahalok hanesan hasoru lezada no ema seluk iha futuru, foin primeiravés mai hatan iha tribunál, serbisu hanesan hakerek kupon SDSB ho rendimentu kada loron máximu US\$4.00 no iha oan na'in ida. Nune'e tribunál konklui prosesu ne'e no kondena arguidu ho pena prizaun tinan ida fulan neen maibé suspende ba tinan rua.

2. Krime ofensa ba integridade fízika simples ho natureza violénsia doméstika

Nú. Prosesu : 0028/21.OESIC
Kompozisaun Tribunál : Singulár
Juis : Dr. Hugo da Cruz Pui
Prokuradór : Dr. Pedro Baptista Aleixo dos Santos
Defeza : Dr. Marcelino Marques Coro
Desizaun : Pena prizaun tinan 1 fulan 3 suspende ba tinan 2

Iha 07 Outubru 2021, Tribunál Distritál Oekusi prezide leitura sentensa ba kazu krime ofensa ba integridade fízika simples ho natureza violénsia doméstika ne'ebé envolve husi arguidu MS hasoru nia feen DF, iha Distritu Oekusi.

Akuzasaun Prokuradór

Prokuradór akuza katak iha 24 Maiu 2021, maizumenus iha oras tuku 19:00 kalan, arguidu lori toalla baku iha lezada nia kotuk laran rezulta moras no kontinua basa tan dala ida iha lezada nia hasan parte loos no tuku dala ida iha kotuk laran rezulta lezada hetan bubu no moras. Arguidu dudu tan lezada dala ida no aperta lezada ba prede rezulta lezada sofre moras. Kazu ne'e aneksa hamutuk ho relatóriu Médiku husi Pradet no fotografia hasai husi polísia. Antes ne'e arguidu ho lezada diskute malu kona-ba ikan ne'ebé arguidu sosa atu halo modo kalan nian ne'ebé asu han tiha. Arguidu nerbozu no halo agresauun refere hasoru lezada.

Prokuradór akuza arguidu kontra artigu 145 KP kona-ba ofensa ba integridade física simples ho moldura penál to'o tinan 3 ka multa konjuga ho artigu 2, 3(a), 35(b) no 36 LKVD.

Produsaun ba prova sira

Iha julgamentu, arguidu konfesa faktu hotu iha akuzasaun no hatene katak hahalok ne'ebé nia halo ne'e ladiak, arrependeninia hahalok, no depoisde akontesementu ate agora arguidu lahalo ona agresauun física hasoru lezada no promete katak sei larepete tan nia hahalok hanesan iha futuru. Momentu lezada ba halo tratamentu ne'e lezada toba kalan rua iha uma mahon no fila ba ba uma sira rua dame malu kedas, foin primeiravés mai iha tribunálserbisu hanesan to'os na'in laiha rendimentu fixu kada fulan no iha oan na'in neen na'in lima eskola hotu ona.

Enkuantu lezada kontinua konfirma faktu hotu iha akuzasaun no deklarata katak arguidu foin primeiravés baku lezada Lezada mós konfirma depoisde lezada toba kalan rua iha uma mahon fila ba uma sira dame malu kedas no moris hamutuk hanesan feen-laen to'o agora.

Alegasaun finál

Prokuradór konsidera arguidu nia hahalok ne'e priense duni elementu krime ofensa ba integridade física simples ho natureza violénsia doméstika tanba iha produsaun ba prova arguidu rasik konfesa. Prokuradór haktuir tanba deit ikan ne'ebé arguidu sosa asu han tiha arguidu halo agresauun fizíku hasoru lezada. Ne'e signifika arguidu hanoin ikan ne'e mak nia valór bo'ot liu kompara ho lezada. Tanba ne'e, husu ba tribunál atu aplika pena prizaun fulan neen suspende ba tinan ida.

Entretantu defeza intende katak iha produsaun ba prova arguidu kolabora di'ak ho tribunál, arguidu rekoñese hahalok ne'ebé nia komete ne'e ladiak, arrepende ninia hahalok, depoisde akontesementu ate agora arguidu lahalo ona agresauun física hasoru lezada, promete sei larepete hikas nia hahalok hanesan iha futuru, dame malu ona, serbisu hanesan to'os na'in laiha rendimentu fixu kada fulan, oan na'in neen, oan na'in lima sei eskola hela no foin primeiravés mai iha tribunál. Tanba ne'e, husu ba tribunál atu aplika pena ne'ebé kmaan ba arguidu tuir nia sala.

Desizaun

Depois avalia faktu sira hotu, tribunál prova arguidu komete duni krime hasoru lezada, arguidu lori toalla baku iha lezada nia kotuk laran, basa dala ida iha lezada nia hasan parte loos, tuku dala ida iha kotuk laran no arguidu dudu lezada no aperta lezada ba parede rezulta lezada hetan bubu no moras.

Bazeia ba faktu provadu hirak ne'e hotu no tetu mós ba sirkunstansia sira ne'ebé haleu iha krime ne'e. Tribunál konklui prosesu ne'e no kondena arguidu ho pena prizaun tinan ida fulan tolu suspende ba tinan rua.

3. Krime ofensa ba integridade fízika simples

Nú. Prosesu : 0021/20.OEBCN
Kompozisaun Tribunál : Singulár
Juis : Dr. Yudi Pamukas
Prokuradór : Dr. Pedro Baptista Aleixo dos Santos
Defeza : Dr. Calisto Tout
Desizaun : Omologa pedidu dezisténsia keixa

Iha 11 Outubru 2021, Tribunál Distritál Oekusi prezide julgamentu tentativa konsiliaun ba krime ofensa ba integridade fízika simples ne'ebé envolve arguidu Batista Ase hasoru lezada Natalia Colo, iha Aldeia Mahata, Suku Lelaufe Sub-distritu Nitibe Distritu Oekusi.

Akuzasaun Prokuradór

Prokuradór akuza arguidu katak iha 10 Juñu 2020, iha oras tuku 16:30 lokraik, arguidu foti ninia tabako masu ida tuda lezada kona iha lezada nia hirus matan, tuku tan lezada dala ida iha lezada nia ibun parte kraik rezulta lezada nia nehan ida nakdoko, lezada monu kedas ba rai no halo lezada sofre moras. Kazu ne'e aneksa hamutuk ho relatóriu médiku husi Sentru Saúde Baocnana no fotografia hasai husi polísia kona-ba violénsia sira ne'e. Antes ne'e lezada ho arguidu ko'alia kona-ba fahe rai eransa husi lezada nia inan-aman nian maibé arguidu rasik laaseita no halo fali agreasaun hasoru lezada.

Prokuradór akuza arguidu kontra artigu 145 KP kona-ba krime ofensa ba integridade fízika simples ho moldura penál to'o tinan 3 ka multa.

Produsaun ba prova sira

Bazeia ba artigu 262 (1) Kódigu Prosesu Penál (KPP) kona-ba tentativa konsiliaun, nune'e antes tama ba julgamentu produsaun ba prova, juis husu atu halo tentativa konsiliaun ba arguidu ho lezada.

Iha prosesu konsiliaun ne'e, lezada hakarak dame malu ho arguidu tanba arguidu antes ne'e buka dame malu ona ho lezada. Maibé lezada nafatin husu ba arguidu atu labele repete hikas nia hahalok ne'e hasoru lezada iha futuro. Alende ne'e, arguidu mós konkorda ho pedidu lezada nian no deklarata katak arrepende ninia hahalok no promete sei la repete tan hahalok hanesan iha futuro, nune'e lezada husu ba tribunál atu deziste ninia-keixa hasoru arguidu.

Alegasaun finál

Prokuradór no defeza apresia akordu dame ne'ebé parte rua decide ona no husu ba tribunál atu omologa prosesu ne'e.

Desizaun

Bazeia ba akordu dame husi parte rua no pedidu dezisténsia husi lezada. Nune'e tuir 262 (2) KPP, tribunál konkluir prosesu ne'e no omologa kedas akordu pedidu dezisténsia keixa ne'e no absolve arguidu husi prosesu ne'e.

4. Krime ofensa ba integridade fízika simples

Nú. Prosesu : 0156/20.OESIC
Kompozisaun Tribunál : Singulár
Juis : Dr. Yudi Pamukas
Prokuradór : Dr. Pedro Baptista Aleixo dos Santos
Defeza : Dr. Calisto Tout
Desizaun : Omologa pedidu dezisténsia keixa

Iha 11 Outubru 2021, Tribunál Distritál Oekusi prezide julgamentu tentativa konsiliaisaun ba krime ofensa ba integridade fízika simples ne'ebé envolve husi arguidu Fernando Ase ho Canicio Ase hasoru lezadu Tiago Lopo, iha Aldeia Tumin Suku Bobometo Sub-distritu Oesilo Distritu Oekusi.

Akuzasaun Prokuradór

Prokuradór akuza katak iha 14 Juñu 2020, maizumenus iha oras tuku 20:00 kalan. Arguidu FA kaer metin liman lezadu nian hodi dudu monu lezadu ba iha rai kauza lezadu sofre moras. Hafoin arguidu CA tuku lezadu dala haat iha kotuk laran rezulta lezadu nia kotuk laran hetan moras, bubu no mean. Kazu ne'e aneksa hamutuk ho relatóriu médiku husi Sentru Saúde Oesilo no fotografia hasai husi polísia kona-ba violénsia hirak ne'e. Antes ne'e arguidu sira diskute malu ho lezada kona-ba rai.

Prokuradór akuza arguidu sira kontra artigu 145 KP kona-ba ofensa ba integridade fízika simples ho moldura penál to'o tinan 3 ka multa.

Produsaun ba prova sira

Bazeia ba artigu 262 (1) Kódigu Prosesu Penál (KPP) kona-ba tentativa ba konsiliaisaun, nune'e antes tama ba julgamentu produsaun ba prova, juis husu atu halo tentativa konsiliaisaun ba arguidu sira ho lezadu.

Iha prosesu konsiliaisaun ne'e, lezadu hakarak dame malu ho arguidu sira ho konsiderasaun arguidu sira tenke fó sala ba lezada (taka lezada nia moe no moras) ho valór osan US\$100.00. Lezadu mós husu nafatin ba arguidu sira atu labele repete hikas sira nia hahalok ne'e hasoru lezadu iha futuru. Alende ne'e, arguidu sira mós konkorda ho pedidu lezadu nian no deklara katak arrepende sira nia hahalok no promete sei la repete tan hahalok hanesan iha futuru, nune'e lezadu husu ba tribunál atu deziste ninia-keixa hasoru arguidu sira.

Alegasaun finál

Prokuradór no defeza apresia akordu dame ne'ebé parte rua decide ona no husu ba tribunál atu omologa prosesu ne'e.

Desizaun

Bazeia ba akordu dame husi parte rua no pedidu dezisténsia husi lezadu. Nune'e tuir 262 (2) KPP, tribunál konklui prosesu ne'e no omologa akordu pedidu dezisténsia keixa ne'e ho kondisaun katak arguidu na'in rua tenke fó sala ba lezadu ho osan ho valór US\$100.00

5. Krime ofensa ba integridade fízika simples ho natureza violénsia doméstika

Nú. Prosesu : 0166/20.OESIC
Kompozisaun Tribunál : Singulár
Juis : Dr. Yudi Pamukas
Prokuradór : Dr. Pedro Baptista Aleixo dos Santos
Defeza : Dr. Calisto Tout
Desizaun : Pena prizaun tinan ida maibé suspende ba tinan ida

Iha 15 Outubru 2021, Tribunál Distritál Oekusi prezide leitura sentensa ba krime ofensa ba integridade fízika simples ho natureza violénsia doméstika ne'ebé envolve arguidu AC hasoru nia feen HTC, iha Distritu Oekusi.

Akuzasaun Prokuradór

Prokuradór akuza katak iha 10 Novembru 2020, maizumenus iha oras tuku 18:00 lokraik, arguidu tuku lezada dala ida iha lezada nia ulun, arguidu kontinua tuku tan dala ida iha lezada nia inus kauza kanek, ran sai no moras. Kazu ne'e aneksa hamutuk ho relatóriu médiku husi pradet no fotografia hasai husi polísia kona-ba violénsia sira ne'e. Anets ne'e lezada ho arguidu diskute malu kona-ba lezada atu ba tuir serimonia kultural husi lezada nian maibé arguidu la hatan tanba osan laiha. .

Prokuradór akuza arguidu kontra artigu 145 KP kona-ba ofensa ba integridade fízika simples ho moldura penál to'o tinan 3 ka multa konjuga ho artigu 2, 3(a), 35(b) no 36 LKVD.

Produsaun ba prova sira

Iha julgamentu, arguidu konfesa faktu hotu iha akuzasaun no hatene hahalok ne'ebé nia komete ne'e ladiak, arguiduarrepente ninia hahalok, depoisde akontesementu ate agora arguidu lahalo ona agresaun fízika hasoru lezada, promete sei larepete hikas nia hahalok hanesan ne'e iha futuru, serbisu hanesan seguransa sivíl ho rendimentu kada fulan US\$188.00, oan na'in na'in ida, dame malu ona no arguidu foin primeiravés mai hatan iha tribunál.

Enkuantu lezada kontinua konfirma faktu hotu iha akuzasaun no deklara katak arguidu foin primeiravés baku lezada no antes ne'e arguidu nunca baku lezada. Lezada haktuir tan katak depoisde akontesementu lezada ba keixa iha polísia no depois kontinua ba

uma mahon hodi hetan tratamentu, simu aimoruk no toba kalan rua mak fila fali ba sira nia uma. Lezada ho arguidu dame malu ona no ate agora moris hanesan feen-laen.

Alegasaun finál

Prokuradór konsidera arguidu nia hahalok ne'e priense duni elementu krime ofensa ba integridade fízika simples ho natureza violénsia doméstika, arguidu rasik konfesa faktu sira hotu iha akuzasaun. Tanba ne'e, husu ba tribunál atu aplika pena prizaun tinan ida suspende ba tinan ida.

Entretantu defeza intende katak iha produsaun ba prova arguidu rasik kolaboradi'ak ho tribunál tanba arguidu rekoñese hahalok hanesan ne'e ladiak no konfesa hotu saida mak arguidu halo ona hasoru lezada nu'udar mós nia feen rasik, arguidu mós arrepende ninia hahalok aat sira, depoisde akontesementu ate agora arguidu lahalo ona agresaun fízika hasoru lezada no promete sei larepete hikas nia hahalok hanesan ne'e iha futuro. Lezada ho arguidu dame malu ona, serbisu hanesan seguransa sivíl ho rendimentu kada fulan US\$188.00, oan na'in ida, foin primeiravés mai iha tribunál. Tanba ne'e, husu ba tribunál atu aplika pena ne'ebé mais adekuadu.

Desizaun

Depois avalia faktu sira hotu, tribunál prova katak arguidu komete duni krime hasoru lezada, arguidu tuku dala ida iha lezada ulun,tuku tan dala ida iha lezada nia inus kauza kanek, ran sai no moras. Tribunál prova faktu hirak ne'e hotu, arguidu konfesa integralmente no konfirmadu ho relatóriu médiku husi Pradet no fotografia sira hasai husi polísia.

Bazeia ba faktu hirak ne'e hotu no tetu mós sirkunstansia hotu- ne'ebé haleu iha krime ne'e. Nune'e tribunál konklui prosesu ne'e no kondena arguidu ho pena prizaun tinan ida suspende ba tinan ida.

6. Krime ofensa ba integridade fízika simples ho natureza violénsia doméstika

Nú. Prosesu : 0019/20.OEOSL
Kompozisaun Tribunál : Singulár
Juis : Dr. Yudi Pamukas
Prokuradór : Dr. Pedro Baptista Aleixo dos Santos
Defeza : Dr. Calisto Tout
Desizaun : Pena prizaun tinan 1 suspende ba tinan 1

Iha 15 Outubru 2021, Tribunál Distritál Oekusi prezide leitura sentensa ba krime ofensa ba integridade fízika simples ho natureza violénsia doméstika ne'ebé envolve arguidu JN hasoru nia feen ACS, iha Distritu Oekusi.

Akuzasaun Prokuradór

Prokuradór akuza katak iha 01 Outubru 2020, maizumenus iha oras tuku 13:00 meidia, arguidu rakut lezada dala lima iha lezada nia oin rezulta lezada hetan bubu, mean kanek ki'ik no sofre moras. Kazu ne'e aneksa hamutuk ho relatóriu Médiku husi Sentru Saúde Oesilo no fotografia hasai husi polísia kona-ba violénsia sira ne'e. Antes ne'e lezada fó hatene arguidu hamoos sira nia toos hodi prepara kuda modo tanba

komesa udan ona. Arguidu la hatan buat ida no la tama ba kuartu laran no toba, lezada mós nafati ko'alia no hatete ba arguidu dehan 'se ó tama ba toba tiha se mak atu hamoos toos ne'e'. Arguidu nerbosu no halo agresaun refere hasoru lezada.

Prokuradór akuza arguidu kontra artigu 145 KP kona-ba ofensa ba integridade física simples ho moldura penál to'o tinan 3 ka multa konjuga ho artigu 2, 3(a), 35(b) no 36 LKVD.

Produsaun ba prova sira

Iha julgamentu, arguidu konfesa faktu hotu iha akuzasaun arguidu arrepende ninia hahalok,depoisde akontesementu ate agora arguidu lahalo ona agresaun física hasoru lezada,promete sei larepete hikas nia hahalok hanesan ne'e iha futuru,serbisu hanesan toos na'in laiha rendimentu fixu kada fulan, oan na'in na'in ida, dame malu ona no arguidu foin primeiravés mai hatan iha tribunál.

Prokuradór husu atu presinde lezada nia deklarasaun tanba iha produsaun ba prova arguidu rasik konfesa integralmenete no husi parte defeza laiha opozisaun. Nune'e tribunál imediatamente presinde lezada ninia deklarasaun.

Alegasaun finál

Prokuradór konsidera arguidu nia hahalok ne'e provadu tuir faktu sira iha akuzasaun no priense duni elementu krime ofensa ba integridade física simples ho natureza violénsia doméstika,arguidu konfesa faktu sira hotu iha akuzasaun. Prokuradór haktuir tan katak kazu la'en baku feen dalabarak akontese no tribunál laron ba laron kontinua halo julgamentu ba krime ne'e kompara ho krime sira seluk. Tanba ne'e, husu ba tribunál atu aplika pena prizaun fulan neen suspende ba tinan ida.

Entretantu defeza intende katak iha produsaun ba prova arguidu kolaboradi'ak ho tribunál,arguidu mós rekoñese katak hahalok hanesan ne'e ladi'ak no arrepende ninia hahalok, depoisde akontesementu ate agora arguidu lahalo ona agresaun física hasoru lezada, promete sei larepete tan nia hahalok hanesan iha futuru, dame malu ona, serbisu hanesan toos na'in laiha rendimentu fixu kada fulan, oan na'in ida no foin primeiravés mai iha tribunál. Tanba ne'e, husu ba tribunál atu aplika pena ne'ebé adekuaudu ba arguidu tuir nia sala.

Desizaun

Depois avalia faktu sira hotu, tribunál prova arguidu ho nerboju rakut I dala lima iha ezada nia oin rezulta lezada hetan bubu, mean kanek ki'ik no sofre moras no konfirma mós ho relatóriu médiku husi Sentru Saúde Oesilo no fotografia hasai husi polísia kona-ba violénsia sira ne'e.

Bazeia ba faktu sira ne'e no tetu mós sirkunstansia hotu ne'ebé haleu iha krime ne'e. Tribunál konklui prosesu ne'e no kondena arguidu ho pena prizaun tinan ida suspende ba tinan ida.

7. Krime ofensa ba integridade fízika simples ho natureza violénsia doméstika

Nú. Prosesu : 0159/20.OESIC
Kompozisaun Tribunál : Singulár
Juis : Dr. Yudi Pamukas
Prokuradór : Dr. Pedro Baptista Aleixo dos Santos
Defeza : Dr. Calisto Tout
Desizaun : Pena prizaun tinan ida maibé suspende ba tinan ida

Iha 15 Outubru 2021, Tribunál Distritál Oekusi prezide leitura sentensa ba krime ofensa ba integridade fízika simples ho natureza violénsia doméstika ne'ebé envolve husi arguidu UP hasoru nia feen ME, iha Distritu Oekusi.

Akuzasaun Prokuradór

Prokuradór akuza katak iha 02 Novembru 2020, iha oras tuku 09:12 dadeer, arguidu tuku dala tolu iha lezada nia hasan parte karuk, tuku dala rua iha lezada nia ren-toos no tuku tan dala ida iha lezada nia ulun, rezulta lezada hetan bubu, metan no sofre moras. Kazu ne'e aneksa hamutuk ho relatóriu Médiku husi Pradet no fotografia hasai husi polísia. Antes ne'e arguidu ho lezada diskute malu kona-ba lezada la prepara kafé nune'e arguidu hirus no halo agresaun refere hasoru lezada.

Prokuradór akuza arguidu kontra artigu 145 KP kona-ba ofensa ba integridade fízika simples ho moldura penál to'o tinan 3 ka multa, konjuga ho artigu 2, 3(a), 35(b) no 36 LKVD.

Produsaun ba prova sira

Iha julgamentu, arguidu konfesa faktu hotu iha akuzasaun no. Depoisde akontesementu to'o agora arguidu lahalo ona agresaun fízika hasoru lezada no promete sei larepete tan nia hahalok hanesan iha futuru, dame malu ona, foin primeiravés mai hatan iha tribunál, serbisu hanesan mekaniku ho rendimentu kada fulan US\$150.00, oan na'in na'in haat,. Arguidu mós deklara liu tan katak tuir loloos nia bele halo kafé rasik no rekonese katak arguidu halo sala duni hasoru nia feen.

Enkuantu lezada kontinua konfirma faktu hotu iha akuzasaun no deklara katak arguidu foin primeiravés baku lezada . Lezada haktuir tan katak depoisde akontesementu no lezada mak ba keixa iha polísia, lezada ba halo tratamentu nosimu aimoruk iha uma mahon fila toba kalan rua iha lezada nia tiun nia uma mak arguidu ba foti fali lezada lori ba iha sira nia uma, dame malu kedas no to'o agora moris nafatin hanesan feen-la'en.

Alegasaun finál

Prokuradór konsidera arguidu nia hahalok ne'e priense duni elementu krime ofensa ba integridade fízika simples ho natureza violénsia doméstika, arguidu rasik konfesa faktu sira hotu iha akuzasaun. Prokuradór haktuir tan katak arguidu halo agresaun hasoru lezada tanba de'it arguidu hakarak lezada mak halo kafé atu arguidu hemu maibé iha produsaun ba prova arguidu rasik deklara katak nia mós bele halo kafé. Tanba ne'e, husu ba tribunál atu aplika pena prizaun tinan ida ba arguidu suspende ba tinan ida.

Entretantu defeza intende katak iha produsaun ba prova arguidu kolaboraho tribunál. Arguidu rekoñese katak hahalok ne'ebé nia halo hasoru lezada ne'e ladiak arguidu arrepende ninia hahalok aat sira, depoisde akontesementu to'o agora arguidu lahalo ona agresauñ fízika hasoru lezada, promete sei larepete tan nia hahalok hanesan iha futuro, dame malu ona, serbisu hanesan mekanika ho rendimentu kada fulan US\$150.00, oan na'in haat no foin primeiravés mai hatan iha tribunál. Tanba ne'e, husu ba tribunál atu aplika pena ne'ebé adekuadu ba arguidu.

Desizaun

Depois avalia faktu sira hotu tribunál prova katak iha 02 Novembru 2020, maizumenus iha oras tuku 09:12 dader, arguidu ho lezada deskute malu tanba lezada la prepara kafé ba arguidu. Tanba ne'e, arguido hirus tuku duni dala tolu iha lezada nia hasan parte karuk, tuku dala rua iha lezada nia ren-toos no tuku tan dala ida iha lezada nia ulun. Tribunál prova no fiar ba faktu sira ne'e katak krime ne'e akontese duni tanba konfirmadu mós ho relatóriu médiku husi Pradet no fotografia hasai husi polísia kona-ba violénsia sira ne'e.

Bazeia ba prova sirak ne'e no tetu mós sirkunstansia agravantes no atenuante sira ne'ebé haleu iha krime ne'e. Tribunál konklui prosesu ne'e no kondena arguido ho pena prizaun tinan ida suspende ba tinan ida.

8. Krime ofensa ba integridade fízika simples ho natureza violénsia doméstika

Nú. Prosesu	: 0009/20.OEPSB
Kompozisaun Tribunál	: Singulár
Juis	: Dr. Yudi Pamukas
Prokuradór	: Dr. Pedro Baptista Aleixo dos Santos
Defeza	: Dr. Calisto Tout
Desizaun	: Pena admoestasaun

Iha 22 Outubru 2021, Tribunál Distritál Oekusi prezide leitura sentensa ba krime ofensa ba integridade fízika simples ho natureza violénsia doméstika ne'ebé envolve husi arguidu JN hasoru nia subriu JAO, iha Distritu Oekusi.

Akuzasaun Prokuradór

Prokuradór akuza katak iha 17 Outubru 2020, iha oras tuku 14:30 meudia, arguidu lori ai-sar kesak ida baku lezadu dala ida iha hasan parte karuk rezulta lezadu sofre moras. Kazu ne'e aneksa hamutuk ho relatóriu médiku husi Sentru Saúde Pasabe no fotografia hasai husi polísia. Antes ne'e lezadu ho nia primu (arguidu nia subriñu) halimar hela no derepente sira nain rua baku malu, arguidu hirus no halo agresauñ refere hasoru lezadu.

Prokuradór akuza arguidu kontra artigu 145 KP kona-ba ofensa ba integridade fízika simples ho moldura penál to'o tinan 3 ka multa, konjuga ho artigu 2, 3(c), 35(b) no 36 LKVD.

Produsaun ba prova sira

Iha julgamentu, arguidu konfesa faktu hotu iha akuzasaun no hatene katak aktu ne'ebé nia komete hasoru labarik ne'e ladi'ak. Arguiduarrepente ninia hahalok, depoisde akontesementu ate agora arguidu lahalo ona agresaun física hasoru lezadu, promete sei larepete hikas nia hahalok hanesan ne'e iha futuro, servisu hanesan toos na'in laiha rendimentu fixu kada fulan, oan na'in na'in ida, dame malu ona no arguidu foin primeiravés mai hatan iha tribunál. Arguidu deklara liu tan katak lezadu hela ho arguidu desde nia foin halo tinan ida ho balun ate agora tanba nia inan-aman halai tiha ba iha Indonezia no ate agora lafila.

Ministériu públiku husu atu presinde lezada nia deklarasaun tanba iha produsaun ba prova arguidu rasik konfesa faktu integralmenete no husi parte defeza laiha opozisaun. Nune'e tribunál presinde lezada ninia deklarasaun.

Alegasaun finál

Prokuradór konsidera arguidu nia hahalok ne'e provadu tuir faktu sira iha akuzasaun no priense duni elementu krime ofensa ba integridade física simples ho natureza violénsia doméstika. Prokuradór mós hanoin katak arguidu nia hahalok ne'e lagrave liu nune'e husu ba tribunál atu aplika pena admoestasaun ba arguidu atu futuro bele uza maneira seluk atu eduka labarik sira.

Entretantu defeza intende katak iha produsaun ba prova arguidu rasik kolabora di'ak ho tribunál, konfesa faktu hotu iha akuzasaun. Arguidu mós rekoñese hakat hahalok hanesan ne'e ladi'ak, arrepende ninia hahalok, depoisde akontesementu ate agora arguidu lahalo ona agresaun física hasoru lezada, promete sei larepete hikas nia hahalok hanesan ne'e iha futuro, dame malu ona, serbisu hanesan toos na'in laiha rendimentu fixu kada fulan, oan na'in ida, foin primeiravés mai iha tribunál no arguidu mak iha responsabilidade ba iha lezadu no ninia familia. Tanba ne'e, defeza aseita ho ministériu públiku nia alegasaun finál atu aplika pena admoestasaun ba arguidu.

Desizaun

Depois avalia faktu sira hotu, tribunál konsidera arguidu lori ai-sar kesak ida baku dala ida lezadu iha lezada nia hasan parte karuk rezulta lezadu sofre moras no reforsa mós ho relatóriu médiku husi Sentru Saúde Pasabe no fotografia hasai husi polísia inklui konfiksaun arguido perante tribunál konfesa faktu integralmente.

Tribunál mós tetu sirkunstansia hotu-hotu ne'ebé haleu iha krime ne'e no konklui prosesu ne'e no kondena arguido ho pena admoestasaun.

9. Krime ofensa ba integridade física simples ho natureza violénsia doméstika

Nú. Prosesu	: 0021/20.OEOSL
Kompozisaun Tribunál	: Singulár
Juis	: Dr. Yudi Pamukas
Prokuradór	: Dr. Pedro Baptista Aleixo dos Santos
Defeza	: Dr. Calisto Tout
Desizaun	: Pena prizaun tinan 1 suspende ba tinan 1

Iha 22 Outobru 2021, Tribunál Distritál Oekusi prezide leitura sentensa ba krime ofensa ba integridade fízika simples ho natureza violénsia doméstika ne'ebé envolve husi arguidu AM hasoru nia feen AT, iha Distritu Oekusi.

Akuzasaun Prokuradór

Prokuradór akuza katak iha 15 Novembru 2020, iha oras tuku 18:00, arguidu duni lezada sai husi sira nia uma, arguidu kontinua rakut lezada nia oin r, buti lezada nia kakorok dala ida no arguidu nia liman kukun kona iha lezada nia kakorok. Arguidu ninia aktu ne'e rezulta kanek ki'ik no moras iha lezada nia kakorok no kanek ki'ik iha lezada nia oin. Kazu ne'e aneksa hamutuk ho relatóriu médiku husi Centru Saude Oesilo no fotografia hasai husi polísia.

Antes ne'e lezada hasee arguidu atu labele uza balde hodi kuru bee tanba balde ne'e foer ho karau teen. Lezada mós hatete ba arguidu atu foti balde seluk de'it tanba bee iha bidon laran ne'e uza mós ba haris. Nune'e.

Prokuradór akuza arguidu kontra artigu 145 KP kona-ba ofensa ba integridade fízika simples ho moldura penál to'o tinan 3 ka multa, konjuga ho artigu 2, 3(a), 35(b) no 36 LKVD.

Produsaun ba prova sira

Iha julgamentu, arguidu konfesa integralmente ba faktu sira hotu iha akuzasaun no hatene halo agresaun fízika hanesan ne'e ladiak no arrepende ninia hahalok. Depoisde akontesementu lezada sai husi sira nia uma ba hela hamutuk fali ho nia inan-aman ate agora. Arguidu mós deklara katak antes ne'e tenta atu lori fila lezada ho nia oan sira ba uma maibé lezada rezeita no lakoi atu moris hamutuk ona ho arguidu. Arguidu promete sei larepete hikas nia hahalok hanesan ne'e iha futuro, serbisu hanesan toos na'in laiha rendimentu fixu kada fulan, oan na'in na'in haat, seidauk dame malu tanba lezada lakohi ona atu moris hamutuk ho arguidu, foin primeiravés mai hatan iha tribunál no arguidu sei hadomi nia feen no hakarak moris hamutuk lezada.

Enkuantu lezada konfirma faktu hotu iha akuzasaun no deklara katak lakohi ona atu moris hamutuk ho arguidu tanba arguidu sempre deskonfia lezada ho mane seluk no sempre halo agresaun hasoru lezada. Arguidu nia agresaun ida ne'e mak lezada foin keixa arguidu ba iha polísia. Lezada akresenta liu tan katak labarik na'in haat ne'e sira nia nesiedade lezada mak responsabiliza no arguidu nunka tau matan ba sira nia oan ate agora.

Alegasaun finál

Prokuradór intende katak faktu sira iha akuzasaun ne'e provadu no konsidera arguidu nia hahalok ne'e priense duni elementu krime ofensa ba integridade fízika simples ho natureza violénsia doméstika. Prokuradór haktuir tan katak kazu la'en baku feen dalabarak tribunál ida ne'e halo ona julgamentu kompara ho kazu krime sira seluk no dalaruma iha situasaun balun arguidu aproveita halo krime hanesan hodi ate fahe malu maibé ninia konsekuensia labarik sira sei abandona. Tanba ne'e, prokuradór husu ba tribunál atu aplika pena prizaun tinan ida fulan neen maibé suspende ba tinan rua.

Entretantu defeza haktuir katak iha produsaun ba prova arguidu rasik iha kolaborasaun di'ak ho tribunál hodi konfesa faktu hotu iha akuzasaun. Iha produsaun ba prova arguidu rekoñese duni nia hahalok hanesan ne'e ladi'ak no arrepende ninia hahalok, depoisde akontesementu ate agora arguidu lahalo ona agresauñ fízika hasoru lezada, promete sei larepete hikas nia hahalok hanesan ne'e iha futuro,seidauk dame malu tanba lezada rezeita lakoi ona atu moris hamutuk ho arguidu mesmu arguidu sei hadomi lezada no hakarak atu moris hamutuk nafatin. Arguidu serbisu hanesan toos na'in laiha rendimentu fixu kada fulan, oan na'in haat hela ho lezada no foin primeiravés mai iha tribunál. Tanba ne'e, defeza husu ba tribunál atu aplika pena ne'ebé adekuadu tuir arguidu ninia sala.

Desizaun

Depois avalia faktu sira hotu, tribunál konsidera arguidu halo duni agresauñ hasoru lezada. Arguidu duni lezada sai husi sira nia uma, rakut lezada nia oin rezulta kanek ki'ik iha lezada nia oin no kontinua buti dala ida iha lezada nia kakorok, arguidu nia liman kukun kona iha lezada nia kakorok rezulta lezada nia kakorok kanek ki'ik no hetan moras.

Tribunál konfirma arguidu komete duni krime tanba bazeia ba relatóriu Médiku husi Sentru Saude Oesilo no fotografia husi polísia inklui arguido nia konfiksaun rasik ne'ebé konfesa faktu hotu iha akuzasaun.

Bazeia ba faktu hirak ne'e hotu no tetu ba aktu ne'ebé mak hatodan no hakaman arguido nia responsabilidade kriminál. Tribunál konklui prosesu ne'e no kondena arguido ho pena prizaun tinan ida suspende ba tinan ida.

10. Krime ofensa ba integridade fízika simples ho natureza violénsia doméstika

Nú. Prosesu	: 0003/21.OESIC
Kompozisaun Tribunál	: Singulár
Juis	: Dr. Yudi Pamukas
Prokuradór	: Dr. Pedro Baptista Aleixo dos Santos
Defeza	: Dr. Calisto Tout
Desizaun	: Pena admoestasaun

Iha 22 Outobru 2021, Tribunál Distritál Oekusi prezide leitura sentensa ba kazu ofensa ba integridade fízika simples ho natureza violénsia doméstika ne'ebé envolve arguidu LE hasoru nia feen AMB,iha Distritu Oekusi.

Akuzasaun Prokuradór

Prokuradór akuza katak iha 10 Janeiru 2021, iha oras tuku 19:00 kalan, arguidu basa dala ida lezada ihaibun rezulta lezada niaibun kanek, ran sai no I sofre moras. Kazu ne'e aneksa hamutuk ho relatóriu médiku husi Pradet no fotografia sira hasai husi polísia. Antes arguidu ho lezada diskute malu kona-ba lezada fó fós ba nia kuñada sein kuñesementu husi arguidu. Nune'e arguidu nerbosu no halo agresauñ hasoru lezada.

Prokuradór akuza arguidu kontra artigu 145 KP kona-ba ofensa ba integridade fízika simples ho moldura penál to'o tinan 3 ka multa konjuga ho artigu 2, 3(a), 35(b) no 36 LKVD.

Produsaun ba prova sira

Iha julgamentu, arguidu konfesa faktu hotu iha akuzasaun no hatene aktu ne'ebé arguidu komete ne'e ladi'ak, arguiduarrepندنinia hahalok. Arguidu ho lezada hola malu iha tinan 2017 no foin primeiravés halo agresauun fízika hasoru lezada, promete sei larepete tan nia hahalok hanesan ne'e iha futuru hasoru nia feen ka ema seluk, serbisu hanesan natar na'in laiha rendimentu fixu kada fulan, oan na'in na'in ida, husu deskulpa ba lezada no dame malu ona, foin primeiravés mai hatan iha tribunál no arguidu ho lezada hamutuk mak bele serbisu hodi sustenta sira nia família.

Enkuantu lezada konfirma faktu hotu iha akuzasaun no deklara katak sira hola malu iha tinan 2017 no foin primeiravés arguidu halo agresauun hasoru lezada no antes ne'e arguidu nunka halo agressauun hasoru lezada. Lezada deklara katak depoisde akontesementu ate agora arguidu labaku ona lezada.

Alegasaun finál

Prokuradór kosidera faktu sira iha akuzasaun ne'e loos hotu no provadu. Tanba ne'e prokuradór konsidera arguidu nia hahalok ne'e priense duni elementu krime ofensa ba integridade fízika simples ho natureza violénsia doméstika. Nune'e prokuradór husu ba tribunál atu aplika pena admoestasaun ho razaun tanba arguidu apenas basa de'it lezada dala ida no foin primeiravés halo agresauun hasoru lezada.

Entretantu defeza aseita ho alegasaun husi ministériu públiku ba pena admoestasaun ho konsiderasaun katak iha produsaun ba prova arguidu rasik iha kolaborasaun diak ho tribunál hodi konfesa faktu hotu iha akuzasaun sein rezerva. Arguidu rekoñese duni nia hahalok hanesan ne'e ladiak no arrepende ona, promete katak sei larepete hikas nia hahalok hanesan ne'e iha futuru, diak malu ona, oan na'in ida, servisu hanesan toos na'in laiha rendimentu fixu kada fulan, foin primeiravés mai iha tribunál no arguidu mak sei iha responsabilidade ba iha ninia familia.

Desizaun

Depois avalia faktu sira hotu, tribunál prova katak iha 10 Janeiru 2021, iha oras tuku 19:00 kalan, arguidu basa lezada dala ida kona ihaibun rezulta lezada niaibun kanek, ran sai no lezada sofre moras. Tribunál mós konfirma katak faktu hirak ne'e konfirma ho relatóriu Médiku husi Pradet no fotografia sira husi polísia. Agresauun ne'e mosu tanba deit lezada fó fós ba nia koñada no arguidu la hatene.

bBazeia ba faktu hirak ne'e hotu no tetu mós ba sirkunstansia sira ne'ebé haleu ona iha krime ne'e. Nune'e tribunál konklui prosesu ne'e no kondena arguido ho pena admoestasaun.

11. Krime ofensa ba integridade fízika simples ho natureza violénsia doméstika

Nú. Prosesu : 0006/20.OEBCN

Kompozisaun Tribunál : Singulár

Juis : Dr. Yudi Pamukas
Prokuradór : Dr. Pedro Baptista Aleixo dos Santos
Defeza : Dr. Calisto Tout
Desizaun : Pena prizaun tinan 1 suspende ba tinan 1

Iha 22 Outubru 2021, Tribunál Distritál Oekusi prezide leitura sentensa ba kazu krime ofensa ba integridade fízika simples ho natureza violénsia doméstika ne'ebé envolve husi arguidu XC hasoru nia feen LM, iha Distritu Oekusi.

Akuzasaun Prokuradór

Prokuradór akuza katak iha 06 Feveireiru 2020, iha oras tuku 13:00 meudia arguidu buti lezada nia kakorok dala ida, lori au-pedasuk ida baku dala ida iha lezada ninia asesntu rezulta lezada nia asesntu hetan bubu, metan no moras. Kazu ne'e aneksa hamutuk ho relatóriu médiku husi Centru Saude Baocnana no fotografia sira hasai husi polísia. Antes ne'e arguidu ho lezada diskute malu kona-ba fahi halai sai husi luhan tanba iha dadeer lezada la fó han fahi

Prokuradór akuza arguidu kontra artigu 145 KP kona-ba ofensa ba integridade fízika simples ho moldura penál to'o tinan 3 ka multa, konjuga ho artigu 2, 3(a), 35(b) no 36 LKVD.

Produsaun ba prova sira

Iha julgamentu, arguidu konfesa faktu hotu iha akuzasaun no hatene aktu ne'ebé nia komete ne'e ladiak. Arguiduarrepente ninia hahalok, foin primeiravés halo agresaun fízika hasoru lezada, promete sei larepete tan nia hahalok hanesan ne'e iha futuru, serbisu hanesan toos na'in laiha rendimentu fixu kada fulan, oan na'in na'in haat, dame malu ona no arguidu ho lezada hamutuk mak bele servisu sustenta sira ninia família.

Prokuradór husu tribunál atu presinde lezada nia deklarasaun tanba iha produsaun ba prova arguidu rasik konfesa integralmente. Enkuantu husi parte defaza laiha opozisaun, nune'e tribunál presinde lezada ninia deklarasaun.

Alegasaun finál

Prokuradór konsidera arguidu nia hahalok ne'e provadu no priense duni elementu krime ofensa ba integridade fízika simples ho natureza violénsia doméstika. Prokuradór reforsa liu tan katak arguidu hatene aqgresaun ne'ebé nia komete bele hamosu perigu ba ema seluk ninia vida. Nune'e husu ba tribunál atu aplika pena prizaun fulan neen ba arguidu suspende ba tinan ida.

Entretantu defeza husu ba tribunál atu aplika pena ne'ebé adekuadu ho konsiderasaun katak iha produsaun ba prova arguidu rasik konfesa, kolabora di'ak ho tribunál, arrepende ninia hahalok, di'ak malu ona ho lezada no kontinua moris hamutuk nafatin iha uma ida, promete katak sei larepete hikas nia hahalok sira hasoru nia feen ka ema seluk, foin primeiravés mai hatan iha tribunál, oan na'in haat, serbisu hanesan toos

na'in laiha rendimentu fixu kada fulan no arguidu mak iha responsabilidade ba ninia familia.

Desizaun

Depois avalia faktu sira hotu, tribunál konsidera faktu sira ne'ebé loos mak iha 06 Feveiru 2020, iha oras tuku 13:00 meiodia arguidu buti lezada nia kakorok dala ida kauza moras, kontinua lori au-pedasuk ida baku dala ida iha lezada ninia asentu rezulta lezada nia asentu hetan bubu, metan no moras.

Bazeia ba faktu provadu hirak ne'e hotu no tetu mós sirkunstansia sira ne'ebé hale'u iha krime ne'e. Nune'e tribunál konklui prosesu ne'e no kondena arguido ho pena prizaun tinan ida suspende ba tinan ida.

12. Krime ofensa ba integridade física simples ho natureza violência doméstica

Nú. Prosesu : 0046/20.OEBCN
Kompozisaun Tribunál : Singulár
Juis : Dr. Yudi Pamukas
Prokuradór : Dr. Pedro Baptista Aleixo dos Santos
Defeza : Dr. Calisto Tout
Desizaun : Pena prizaun tinan 1 suspende ba tinan 1

Iha 22 Outubru 2021, Tribunál Distritál Oekusi prezide leitura sentensa ba krime ofensa ba integridade física simples ho natureza violência doméstica ne'ebé envolve husi arguidu TE hasoru nia feen AF, iha Distritu Oekusi.

Akuzasaun Prokuradór

Prokuradór akuza katak iha 01 Novembru 2020, iha oras tuku 23:00 kalan, arguidu foti telefone tuda kona iha lezada nia knosen parte loos rezulta lezada sofre moras. Kazu ne'e aneksa hamutuk ho relatóriu médiku husi Sentru Saúde Baocnana no fotografia kona-ba violência sira ne'e hasai husi polisia.

Antes ne'e arguidu karega hela nia telefone iha uma laran no lezada ba losu tiha maibé telefone sedauk karega nakonu. Nune'e arguidu ho lezada diskute malu, arguidu nerbosu no halo agresaun refere hasoru lezada.

Prokuradór akuza arguidu kontra artigu 145 KP kona-ba ofensa ba integridade física simples ho moldura penál to'o tinan 3 ka multa, konjuga ho artigu 2, 3(a), 35(b) no 36 LKVD.

Produsaun ba prova sira

Iha julgamentu, arguidu konfesa faktu hotu iha akuzasaun. Depoisde akontesementu arguidu arrepende ninia hahalok, foin primeiravés halo agresaun física hasoru lezada, promete sei larepete tan nia hahalok hanesan ne'e iha futuro, serbisu hanesan toos na'in laiha rendimentu fixu kada fulan, oan na'in na'in tolu, dame malu ona no kontinua moris hamutuk hanesan feen la'en.

Entretantu lezada deklara katak iha momentu ne'e arguidu ho kondisaun lanu mak husu nia telefone ne'ebé karega hela iha uma laran. Lezada konfirma katak arguidu foin

primeiravés halo agresaun hanesan ne'e hasoru lezada maibé depoisde akontesementu arguidu ho lezada dame malu kedas no ate agora moris hamutuk hanesan feen-la'en serbisu hodi sustenta sira ninia família iha uma laran.

Alegasaun finál

Prokuradór konsidera no prova katak arguidu nia hahalok ne'e provadu no priense duni duni elementu krime ofensa ba integridade física simples ho natureza violénsia doméstika. Prokuradór reforsa liu tan katak arguidu nia hahalok ne'e ho livre, deliberada no konsentementu no prejudika lezada sofre nia saúde física através husi meus hanesan deskreve ona iha akuzasaun. Tanba ne'e husu ba tribunál atu aplika pena prizaun tinan ida suspende tinan ida.

Entretantu defeza intende katak iha produsaun ba prova arguidu rasik konfesa, kolabora di'ak ho tribunál, arrepende ninia hahalok, di'ak malu ona ho lezada no kontinua moris hamutuk nafatin hanesan feen-la'en, promete sei larepete tan nia hahalok hanesan hasoru lezada no ema seluk iha futuro, foin primeiravés mai iha tribunál, oan na'in tolu, serbisu hanesan toos na'in laiha rendimentu fixu kada fulan no arguidu mak iha responsabilidade máximu ba ninia família. Tanba ne'e, husu ba tribunál atu aplika pena ne'ebé adekuadu liu ba arguidu tuir nia sala.

Desizaun

Depois avalia faktu sira hotu, tribunál prova katak iha 01 Novembru 2020, iha oras tuku 23:00 kalan, arguidu komete duni krime hasoru lezada, arguidu foti telefone tuda lezada kona iha lezada nia knosen parte loos rezulta lezada sofre moras no konfirma mós ho relatóriu Médiku husi Sentru Saúde Baocnana no fotografia sira hasai husi polísia no iha produsaun ba prova arguido rasik konfesa integralmente.

Bazeia ba faktu hirak ne'e no tetu mós sirkunstansia agravantes no atenuantes sira hotu. Nune'e tribunál konklui prosesu ne'e no kondena arguido ho pena prizaun tinan ida suspende ba tinan ida.

13. Krime ofensa ba integridade física simples ho natureza violénsia doméstika

Nú. Prosesu : 0175/20.OESIC
Kompozisaun Tribunál : Singulár
Juis : Dr. Yudi Pamukas
Prokuradór : Dr. Pedro Baptista Aleixo dos Santos
Defeza : Dr. Calisto Tout
Desizaun : Pena unika tinan 1 fulan 3 suspende ba tinan 2

Iha 22 Outubru 2021, Tribunál Distritál Oekusi prezide leitura sentensa ba krime ofensa ba integridade física simples ho natureza violénsia doméstika ne'ebé envolve arguida FEM hasoru nia oan-mane(tinan 3 fulan 10) ho nia la'en FT, iha Distritu Oekusi.

Akuzasaun Prokuradór

Prokuradór akuza katak iha 07 Dezembru 2020, iha oras tuku 11:00 dadeer, arguidu lori ai-kesak dasa rai nian baku dala ida iha lezadu (menór) nia asentu halo lezadu tanis no hetan moras. Nune'e lezadu (menor nia aman) la simu atu arguida baku sira nia-oan,

maibé arguida kontinua lori ai-soru tais nian baku fali nia la'en dala ida iha lezadu nia ulun fatuk rezulta lezadu hetan kanek no moras.

. Kazu ne'e aneksa hamutuk ho relatóriu Médiku husi Pradet no fotografia hasai husi polísia. Antes ne'e arguida haruka lezadu (menór) atu foti arguida nia kohe (mama fatin) maibé lezadu (menór) foti kohe ne'e no soe fali ba liur, nune'e arguida hirus no halo agresaun refere hasoru menór ho nia la'en.

Prokuradór akuza arguida kontra artigu 145 KP kona-ba ofensa ba integridade fízika simples ho moldura penál to'o tinan 3 ka multa, konjuga ho artigu 2, 3(a,c), 35(b) no 36 LKVD.

Produsaun ba prova sira

Iha julgamentu, arguida konfesa faktu integralmente no. depoisde akontesementu arguida ho lezadu na'in rua dame malu ona ate agora arguida lahalo ona krime hasoru ninia laen ho nia oan ka ema seluk. Arguidu haktuir tan katak serbisu hanesan *dona decasa* no toos na'in laiha rendimentu fixu kada fulan. Arguida foin primeiravés mai hatan iha tribunál no iha ona oan na'in sanulu.

Enkuantu lezadu Francisco Tanaque no reprezena mós ho nia oan konfirma faktu hotu iha akuzasaun no deklara katak depoisde akontesementu, lezadu ho nia oan ba apresenta keixa iha polísia. Lezadu haktuir tan katak depoisde akontesementu ate agora arguida larepete tan nia hahalok hanesn hasoru lezadu na'in rua no sira nafatin kontinua moris hamutuk. Kona-ba lezadu João Batista Tunis Salu prokuradór husu presinde tanba arguida rasik konfesa no husi parte defeza laiha opozisaun. Nune'etribunál presinde lezadu nia depoimentu.

Alegasaun finál

Prokuradór intende katak faktu sira iha akuzasaun ne'e loos hotu no konsidera arguida nia hahalok ne'e priense duni elementu krime ofensa ba integridade fízika simples ho natureza violénsia doméstika hasoru nia oan ho nia la'en. Prokuradór haktuir tan katak arguida ninia maneira atua problema sira iha uma laran tuir loloos la persiza hanorin ho maneira violénsia. Tanba ne'e, husu ba tribunál atu aplika pena unika prizaun tinan rua suspende ba tinan rua.

Entretantu defeza haktuir katak iha produsaun ba prova arguida rasik kolabora di'ak ho tribunál, arguida rekoñese duni nia hahalok hanesan ne'e ladiak, arrepende ninia hahalok, promete sei larepete tannia hahalok hanesaniha futuru, dame malu ona, oan na'in sanulu nafatin moris hamutuk iha uma ida ate agora. Tanba ne'e, defeza husu ba tribunál atu aplika pena ne'ebé adekuadu.

Desizaun

Depois avalia faktu sira hotu, tribunál prova katak iha 07 Dezembru 2020, maizumenus iha oras tuku 11:00 dadeer, arguidu lori ai-kesak dasa rai nian baku dala ida iha lezadu (menór) nia asentu halo lezadu tanis no hetan moras. Nune'e lezadu (menór nia aman) la simu atu arguida baku sira nia-oan, maibé arguida kontinua lori ai-soru tais nian baku fali nia la'en dala ida iha lezadu nia ulun fatuk rezulta lezadu hetan kanek no moras no

konfirma mós ho relatóriu Médiku husi Pradet no fotografia hasai husi polísia inklui konfiksaun husi arguidu perante iha tribunál konfesa integralmente.

Bazeia ba prova sira ne'e no tetu mós ba aktu krime ne'ebé mak hatodan no hakaman arguida nia responsabilidade kriminál. Tribunál konklui prosesu ne'e no kondena arguidu ba krime hasoru nia oan mane ho pena prizaun fulan neen no krime hasoru ninia la'en ho pena prizaun tinan ida hamutuk pena prizaun tinan ida fulan ne'en. Maibé tanba tuir lei labele aplika pena ne'e keta-ketak ba arguidu ida, nune'e tribunál aplika pena únika ba arguidu ho pena prizaun tinan ida fulan tolu suspende ba tinan rua.

14. Krime ofensa ba integridade fízika simples ho natureza violénsia doméstika

Nú. Prosesu : 0016/20.OEPSB
Kompozisaun Tribunál : Singulár
Juis : Dr. Yudi Pamukas
Prokuradór : Dr. Pedro Baptista Aleixo dos Santos
Defeza : Dr. Calisto Tout
Desizaun : Pena admoestasau

Iha 22 Outubru 2021, Tribunál Distritál Oekusi prezide leitura sentensa ba kazu krime ofensa ba integridade fízika simples ho natureza violénsia doméstika ne'ebé envolve arguidu MN hasoru nia oan, iha Distritu Oekusi.

Akuzasaun Prokuradór

Prokuradór akuza katak iha 08 Dezembru 2020, iha oras tuku 08:00 dadeer, arguidu basa lezada dala rua iha hasan parte loos kauza moras. Antes ne'e arguidu haruka lezada atu halo kafé maibé lezada lakohi tanba ansi hela atu ba fatin seluk. Kazu ne'e aneksa hamutuk ho relatóriu médiku husi Sentru Saúde Pasabe no fotografia sira kona-ba violénsia ne'e hasai husi polísia.

Prokuradór akuza arguidu kontra artigu 145 KP kona-ba ofensa ba integridade fízika simples ho moldura penál to'o tinan 3 ka multa, konjuga ho artigu 2, 3(c), 35(b) no 36 LKVD.

Produsaun ba prova sira

Iha julgamentu, arguidu konfesa faktu hotu iha akuzasaun no depoisde akontesementu ate agora arguidu lahalo ona agresaun fízika hasoru lezada, promete sei larepete tan nia hahalok hanesan ne'e iha futuru. Depoisde lezada ba halo tratamentu fila-fali mai uma sira dame malu kedas, serbisu hanesan to'os na'in laiha rendimentu fixu kada fulan, oan na'in neen no foin primeiravés mai hatan iha tribunál.

Enkuantu lezada kontinua konfirma faktu hotu iha akuzasaun no deklara katak arguidu foin primeiravés baku lezada no antes ne'e nunka baku lezada. Lezada haktuir tan katak depoisde lezada fila husi Sentru Saúde Pasabe no kontinua dame malu kedas ho ninia aman arguidu.

Alegasaun finál

Prokuradór konsidera arguidu nia hahalok ne'e priense duni elementu krime ofensa ba integridade física simples ho natureza violência doméstica tanba iha produsaun ba prova arguidu rasik konfesa faktu sira hotu iha akuzasaun. Tanba ne'e, husu ba tribunál atu aplika pena prizaun fulan neen suspende ba tinan ida.

Entretantu defeza husu ba tribunál atu aplika pena ne'ebé adekuaudu ho konsiderasaun arguidu rasik kolabora di'ak ho tribunál tanba arguidu rekoñese hahalok hanesan ne'e ladiak no konfesa hotu saida mak arguidu halo ona hasoru lezada, arrepende ninia hahalok, depoisde akontesementu ate agora arguidu lahalo ona agresaun física hasoru lezada, promete sei larepete tannia hahalok hanesan iha futuru. Defeza haktuir tan katak lezada ho arguidu dame malu ona, serbisu hanesan to'os na'in laiha rendimentu fixu kada fulan, oan na'in haat no foin primeiravés mai iha tribunál.

Desizaun

Depois avalia faktu sira hotu, tribunál prova katak iha 08 Dezembru 2020, iha oras tuku 08:00 dadeer, arguidu komete duni krime hasoru lezada. Arguidu basa dala rua ihalezada iha hasan parte loos kauza moras, arguidu rasik konfesa no konfirma mós ho relatóriu médiku husi Sentru Saúde Pasabe no fotografia sira hasai husi polísia.

Bazeia ba faktu sira ne'e no tetu mós ba sirkunstansia agravantes no atenuantes sira ne'ebé haleu ona iha krime ne'e. Nune'e tribunál konklui prosesu ne'e no kondena arguidu ho pena admoestasaun.

15. Krime ofensa ba integridade física simples ho natureza violência doméstica

Nú. Prosesu	: 0180/20.OESIC
Kompozisaun Tribunál	: Singulár
Juis	: Dr. Yudi Pamukas
Prokuradór	: Dr. Pedro Baptista Aleixo dos Santos
Defeza	: Dr. João Dunn
Desizaun	: Pena multa US\$240.00

Iha 22 Outubru 2021, Tribunál Distritál Oekusi prezide leitura sentensa ba kazu krime ofensa ba integridade física simples ho natureza violência doméstica ne'ebé envolve husi arguidu SAS hasoru nia feen ZSiha Distritu Oekusi.

Akuzasaun Prokuradór

Prokuradór akuza katak iha 25 Dezembru 2020, maizumenus iha oras tuku 05:00 madrugada, antes ne'e arguidu hamutuk ho nia kolega sira hemu tua to'o kondisaun lanu maka arguidu foin fila ba uma. Iha uma arguidu komeca haruka lezada aruma sasan sira atu halo viagen kedas ba iha pasabe maibé lezada rezeita lakoi tanba arguidu iha kondisaun lanu nomós sira nia oan foin idade fulan lima. Tanba ne'e mak arguidu nerboju basa kedas lezada dala ida iha hasan loos rezulta lezada nia hasan loos hetan moras. Kazu ne'e aneksa hamutuk ho relatóriu Médiku husi Pradet no fotografia hasai husi polísia.

Prokuradór akuza arguidu kontra artigu 145 KP kona-ba ofensa ba integridade fízika simples ho moldura penál to'o tinan 3 ka multa, konjuga ho artigu 2, 3(a), 35(b) no 36 LKVD.

Produsaun ba prova sira

Iha julgamentu, arguidu konfesa faktu integralmente no hatene halo agresaun fízika hanesan ne'e ladiak no arrepende ona ba nia hahalok. Depoisde akontesementu arguidu ho lezada dame malu kedas ate agora arguidu lahalo ona krime hasoru ninia feen ka ema seluk. Arguidu haktuir tan katak servisu hanesan emperezariu ba konstrusaun nian ho rendimentu kada fulan haat US\$6000.00. Arguidu responde katak antes ne'e mai ona iha tribunál tanba baku ninia feen bo'ot iha oan na'in tolu ate sira na'in rua husik malu tiha (separa) no agora arguidu hola tan feen kiik iha tinan 2019 no iha ona oan na'in ida.

Enkuantu lezada konfirma faktu hotu iha akuzasaun no deklara katak depoisde akontesementu no lezada mos lakeixa maibe derepente polisia ba tula kedas lezada ba halo tratamentu saude iha Pradet toba kalan ida mak foin fila fali ba uma. Lezada deklara katak arguidu foin primeiravés basa lezada no antes ne'e nunca basa lezada no depoisde lezada fila fali ba uma no dame malu kedas ho arguidu.

Alegasaun finál

Prokuradór intende katak faktu sira ne'ebé hakerek ona iha akuzasaun ne'e loos hotu no konsidera arguidu nia hahalok ne'e preense duni duni elementu krime ofensa ba integridade fízika simples ho natureza violénsia doméstika. Prokuradór haktuir tan katak arguidu antes ne'e iha ona aktusendensia kriminal tanba komete krime hasoru nia feen boot ate husik tiha hola tan feen kiik no kontinua ho hahalok sira antes. Tanba ne'e, prokuradór husu ba tribunál atu aplika pena multa ba arguidu loron 90 ho taxa diariu kada loron US\$2.00 tanba arguidu hanesan emperezariu ho rendimentu kada fulan haat US\$6000.00.

Entretantu defeza haktuir katak iha produsaun ba prova arguidu rasik kolabora diak ho tribunál hodi konfesa faktu hotu iha akuzasaun. Defeza reforsa liu tan katak arguidu rekoñese duni nia hahalok hanesan ne'e ladiak no arrepende ona ba nia hahalok, promete katak sei larepete hikias nia hahalok ne'e iha futuru, dame malu ona, oan na'in haat no mesmu iha duni problema iha sira nia uma lara maibé arguidu nafatin moris hamutuk ho lezada hanesan feen ho laen no arguidu mak iha responsabilidade maximu ba iha nia familia. Tanba ne'e, defeza aseita ho ministériu públiku nia alegasaun hodi husu pena multa ba arguidu tuir ninia sala.

Desizaun

Tribunál prova katak iha 25 Dezembru 2020, maizumenus iha oras tuku 05:00 madrugada, arguidu basa duni lezada dala ida iha hasan loos rezulta lezada nia hasan loos hetan moras no tribunál mós fiar ba motivu husi akontesementu ne'e tanba iha produsaun ba prova arguidu konfesa integralmente ba faktu sira iha akuzasaun.

Bazeia ba provas hirak ne'e no tetu mós ba sirkunstansia agravantes no atenuantes sira ne'e hotu. Tribunál konklui prosesu ne'e no kondena arguidu ho pena multa

US\$240 ho taxa diariu kada loron US\$2.00 durante loron 120 maibé karik arguidu lakumpri pena multa refere no arguidu sei tama iha prizaun durante loron 80.

16. Krime ofensa ba integridade fízika simples ho natureza violénsia doméstika

Nú. Prosesu : 0038/20.OEBCN
Kompozisaun Tribunál : Singulár
Juis : Dr. Yudi Pamukas
Prokuradór : Dr. Pedro Baptista Aleixo dos Santos
Defeza : Dr. Marcelino Marques Coro
Desizaun : Pena prizaun tinan 1 fulan 6 suspende ba tinan 2

Iha 22 Outubru 2021, Tribunál Distritál Oekusi prezide leitura sentensa ba kazu ofensa ba integridade fízika simples ho natureza violénsia doméstika ne'ebé envolve husi arguidu SSC hasoru nia feen SB ho nia oan iha Distritu Oekusi.

Akuzasaun Prokuradór

Prokuradór akuza katak iha 07 Outubru 2020, maizumenus iha oras tuku 22:00 kalan, antes ne'e arguidu ho kondisaun lanu fanu lezada iha arguidu nia alin mane sira nia uma atu fila ona ba iha sira ninia uma maibé lezada rasik rezeita hakarak aban dader mak sira ba iha sira ninia uma. Nune'e arguidu hirus basa lezada dala rua iha oin kauza metan, bubu no moras. Arguidu kontinua tebe lezada Jeliana dala ida kona iha kanotak parte loos kauza lezada sofre moras. Kazu ne'e aneksa hamutuk ho relatóriu médiku husi Centru Saude Baocnana no fotografia sira hasai husi polísia.

Prokuradór akuza arguidu kontra artigu 145 KP kona-ba ofensa ba integridade fízika simples ho moldura penál to'o tinan 3 ka multa, konjuga ho artigu 2, 3(a,b), 35(b) no 36 LKVD.

Produsaun ba prova sira

Iha julgamentu, arguidu konfesa faktu hotu iha akuzasaun no hatene halo agresaun fízika hanesan ne'e ladiak no arrepende ona ba nia hahalok. Depoisde akontesementu ate agora arguidu lahalo ona agresaun fízika hasoru lezada ho nia oan no promete katak sei larepete hikas nia hahalok hanesan ne'e iha futuru. Arguidu haktuir tan katak servisu hanesan toos na'in laiha rendimentu fixu kada fulan, oan na'in na'in haat, dame malu ona no arguidu foin primeiravés halo krime ne'e mai hatan iha tribunál.

Enkuantu lezada SB konfirma faktu hotu iha akuzasaun no deklara katak arguidu foin primeiravés basa lezada hanesan ne'e no antes ne'e nunca baku lezada. Lezada haktuir tan katak depoisde akontesementu arguidu ho lezada dame malu kedas ate agora arguidu labasa ka baku ona lezada.

Lezada JSC (tinan 8) deklara katak altura lezada toba dukur ona no kuandu arguidu tebe lezada iha kanotak no sente moras oitoan de'it. Lezada ho arguidu dame malu ona no lezada hadomi ninia aman arguidu

Alegasaun finál

Prokuradór konsidera arguidu nia hahalok ne'e prenze duni elementu krime ofensa ba integridade física simples ho natureza violéncia doméstika rua tanba hasoru de'it ninia feen ho ninia oan. Tanba ne'e, prokuradór husu ba tribunál atu kondena arguidu tuir pena ne'ebé hakerek ona iha artigu 145 KP atu iha futuru arguidu labele repete hikas nia hahalok ne'e hasoru lezada sira ka ema seluk labale halo tuir saida mak arguidu komete hasoru ninia membru familia sira.

Entretantu defeza intende katak iha produsaun ba prova arguidu rasik iha kolaborasaun diak ho tribunál tanba arguidu rekoñese hahalok hanesan ne'e ladiak no konfesa hotu saida mak arguidu halo ona hasoru lezada nu'udar mos nia feen ho ninia oan rasik, arguidu mós arrepende ona ba nia hahalok aat sira, depoisde akontesementu ate agora arguidu lahalo ona agresaun física hasoru lezada sira no promete katak sei larepete hikas nia hahalok hanesan ne'e iha futuru. Lezada sira ho arguidu dame malu ona, servisu hanesan toos na'in laiha rendimentu fixu kada fulan, oan na'in haat, foin primeiravés mai iha tribunál. Tanba ne'e, defeza husu ba tribunál atu aplika pena ne'ebé adekuadu ba arguidu tuir nia sala.

Desizaun

Tribunál prova katak iha 07 Outubru 2020, maizumenus iha oras tuku 22:00 kalan, arguidu hirus basa duni lezada dala rua iha oin kauza metan, bubu no moras. Arguidu kontinua tebe lezada Jeliana dala ida kona iha kanotak parte loos kauza lezada sofre moras. Tribunál mós fiar ba motivu husi akontesementu ne'e no lolos aban dader mak bele fila ba uma tanba arguidu ho kondisaun lanu ona maibé arguidu hakarak nafatin atu fila on aba uma.

Bazeia ba faktu provadu hirak ne'e hotu no tribunál tetu ba aktu krime ne'ebé mak hatodan no hakaman arguidu nia responsabilidade kriminal. Nune'e tribunál konklui prosesu ne'e no kondena arguidu ho pena unika prizaun tinan ida fulan neen maibé suspende ba tinan rua.

17. Krime ofensa ba integridade física simples ho natureza violéncia doméstika

Nú. Prosesu	: 0006/21.OESIC
Kompozisaun Tribunál	: Singulár
Juis	: Dr. Hugo da Cruz Pui
Prokuradór	: Dr. Pedro Baptista Aleixo dos Santos
Defeza	: Dr. Calisto Tout
Ofesial Justisa	: Sra. Erica Carlos da Silva
Tradutor	: Sra. Maria Regina Falo
Desizaun	: Pena prizaun tinan 1 suspende ba tinan 1

Iha 26 Outubru 2021, Tribunál Distritál Oekusi preside leitura sentensa ba kazu ofensa ba integridade física simples ho natureza violéncia doméstika ne'ebé envolve husi arguidu RA hasoru nia feen, iha Distritu Oekusi.

Akuzasaun Prokuradór

Prokuradór akuza katak iha 17 Janeiro 2021, maizumenus iha oras tuku 10:00 dader, arguidu ho kondisaun lanu deskute malu ho lezada kona-ba sira nia oan fetu rezeita

lakoi ba ku'u modo iha sira nia kintal ate lezada halo arguidu hirus hodi foti ai-kafe baku lezada maibe lakonsege tanba lezada hadau tiha. Nune'e arguido hirus liu tan hodi tuku lezada dala rua kona iha kanuruk rezulta lezada sofre moras no tuku tan dala rua kona iha lezada nia matan besik parte inus nian hodi rezulta lezada sofre moras. Kazu ne'e aneksa hamutuk ho relatóriu Médiku husi Pradet no fotografia hasai husi polisia.

Prokuradór akuza arguidu kontra artigu 145 KP kona-ba ofensa ba integridade física simples ho moldura penál to'o tinan 3 ka multa, konjuga ho artigu 2, 3(a), 35(b) no 36 LKVD.

Produsaun ba prova sira

Iha julgamentu, arguidu konfesa faktu hotu iha akuzasaun no hatene halo agresaun tuku ema seluk nia isin hanesan ne'e ladiak no arrepende ona ba nia hahalok. Depoisde akontesementu ate agora arguidu lahalo ona agresaun física hasoru lezada no promete katak sei larepete hikas nia hahalok hanesan ne'e iha futuru. Arguidu haktuir tan katak servisu hanesan toos na'in laiha rendimentu fixu kada fulan, oan na'in na'in lima, dame malu ona no arguidu foin primeiravés halo krime ne'e mai hatan iha tribunál.

Enkuantu lezada kontinua konfirma faktu hotu iha akuzasaun no deklara katak arguidu foin primeiravés baku lezada hanesan ne'e no antes ne'e nunca baku lezada no lezada ho arguido depoisde akontesementu liu tiha lora rua sira dame malu kedas.

Alegasaun finál

Prokuradór konsidera arguidu nia hahalok ne'e preense duni elementu krime ofensa ba integridade física simples ho natureza violénsia doméstika tanba iha produsaun ba prova arguidu rasik konfesa faktu sira hotu iha akuzasaun. Tanba ne'e, prokuradór husu ba tribunál atu aplika pena prizaun tinan ida ba arguidu maibé suspende ba tinan ida.

Entretantu defeza intende katak iha produsaun ba prova arguidu rasik iha kolaborasaun diak ho tribunál tanba arguidu rekoñese ninia hahalok hanesan ne'e ladiak no konfesa hotu saida mak arguidu halo ona hasoru lezada nu'udar mos nia feen rasik, arguidu mós arrepende ona ba nia hahalok aat sira, depoisde akontesementu ate agora arguidu lahalo ona agresaun física hasoru lezada no promete katak sei larepete hikas nia hahalok hanesan ne'e iha futuru. Lezada ho arguidu dame malu ona, servisu hanesan toos na'os na'in laiha rendimentu fixu kada fulan, oan na'in lima, foin primeiravés mai iha tribunál. Tanba ne'e, defeza husu ba tribunál atu aplika pena ne'ebé adekuadu ba arguidu.

Desizaun

Tribunál prova katak iha 17 Janeiru 2021, maizumenus iha oras tuku 10:00 dader, arguidu ho kondisaun lanu tuku duni lezada dala rua kona iha kanuruk rezulta lezada sofre moras no tuku tan dala rua kona iha lezada nia matan besik parte inus nian hodi rezulta lezada sofre moras.

Bazeia ba faktu provadu sira ne'e hotu no tribunál tetu ba aktu ne'ebé mak hatodan no hakaman arguido nia responsabilidade kriminal. Nune'e tribunál konklui prosesu ne'e no

kondena arguido ho pena prizaun tinan ida maibé suspende nia ezekusaun ba periodu durante tinan ida.

18. Krime ofensa ba integridade física simples ho natureza violéncia doméstika

Nú. Prosesu : 0004/21.OEBCN
Kompozisaun Tribunál : Singulár
Juis : Dr. Hugo da Cruz Pui
Prokuradór : Dr. Pedro Baptista Aleixo dos Santos
Defeza : Dr. Calisto Tout
Desizaun : Pena prizaun fulan 9 suspende ba tinan 1

Iha 27 Outubru 2021, Tribunál Distritál Oekusi prezide leitura sentensa ba kazu krime ofensa ba integridade física simples ho natureza violéncia doméstika ne'ebé envolve husi arguidu JO hasoru nia feen, iha Distritu Oekusi.

Akuzasaun Prokuradór

Prokuradór akuza katak iha 31 Marsu 2021, maizumenus iha oras tuku 06:00 dader, antes ne'e lezada kestiona relasiona ho arguidu ne'ebé ba halo kompra iha merkadu ho durasaun tempu naruk (kleur). Tanba ne'e lezada lasatisfas kolia ba arguidu katak "o ba sosa hotu modo iha merkadu ne'eba ka?". Nune'e arguidu hirus basa kedas lezada dala ida kona iha hasan karuk rezulta lezada sofre moras. Arguidu kontinua lori tan ai-bebak baku lezada dala ida kona iha liman sikun karuk rezulta kanek kois no moras. Kazu ne'e aneksa hamutuk ho relatóriu Médiku husi Centru Saude Baocnana no fotografia hasai husi polísia.

Prokuradór akuza arguidu kontra artigu 145 KP kona-ba ofensa ba integridade física simples ho moldura penál to'o tinan 3 ka multa, konjuga ho artigu 2, 3(a), 35(b) no 36 LKVD.

Produsaun ba prova sira

Iha julgamentu, arguidu konfesa faktu hotu iha akuzasaun no hatene basa no lori bebak baku lezada hanesan ne'e ladiak no arrepende ona ba nia hahalok. Arguidu deklarara liu tan katak hola malu iha tinan 2004 no foin primeiravés baku lezada hanesan ne'e, depoisde akontesementu ate agora arguidu labaku ona lezada ka ninia membru familia sira no promete sei larepete ninia hahalok iha futuru, oan na'in haat no arguidu servisu hanesan toos na'in laiha rendimentu fixu kada fulan.

Ministériu públiku husu tribunál atu presinde lezada nia deklarasaun tanba iha produsaun ba prova arguidu rasik konfesa ona faktu integralmente no husi parte defeza laiha opozisaun. Nune'e tribunál imediatamente julga presinde lezada ninia deklarasaun.

Alegasaun finál

Prokuradór konsidera arguidu nia hahalok sira ne'e loos hotu tuir faktu sira ne'ebé hakerek ona iha akuzasaun no hahalok arguidu prense duni elementu krime ofensa ba integridade física simples ho natureza violéncia doméstika. Prokuradór mós hanoin

katak arguidu nia konduta ne'e apenas halo lezada nia hasa karuk moras no liman sikun parte karuk kanek kois no moras. Tanba ne'e, prokurador husu ba tribunál atu aplika pena prizaun fulan neen maibé suspende ba tinan ida.

Entretantu defeza husu ba tribunál atu aplika pena ne'ebé adekuaudu ho konsiderasaun katak arguidu iha kolaborasaun diak ho tribunál hodi konfesa faktu hotu iha akuzasaun, arguidu mós rekoñese katak hahalok hanesan ne'e ladiak no arrepende ona, depoisde akontesementu ate agora arguidu lahalo ona agresaun física hasoru lezada, promete katak sei larepete hikas nia hahalok hanesan ne'e iha futuru. Lezadu ho arguidu mós dame malu ona, servisu hanesan toos na'in laiha rendimentu fixu kada fulan, oan na'in haat, foin primeiravés mai iha tribunál no arguidu mak iha responsabilidade ba iha lezadu no ninia familia.

Desizaun

Tribunál konsidera faktu sira ne'ebé loos mak hanesan iha 31 Marsu 2021, maizumenus iha oras tuku 06:00 dader. Arguidu hirus basa kedas lezada dala ida kona iha hasan karuk rezulta lezada sofre moras. Arguidu kontinua lori tan ai-bebak ida baku lezada dala ida kona iha liman sikun karuk rezulta kanek kois no moras. Faktu provadu hirak ne'e hotu konfirma mós ho relatóriu médiku husi Centru Saude Baocnana no fotografia hasai husi polísia.

Bazeia ba faktu provadu sira no tetu mós ba sirkunstansia ne'ebé mak hatodan no hakaman arguido nia responsabilidade kriminal no tribunál konklui prosesu ne'e no kondena arguido ho pena prizaun fulan sia maibé suspende ba tinan ida.

Atu hetan informasaun kompleitu, favór kontaktu:

Ana Paula Marçal

Diretora Ezekutiva JSMP

Diresaun e-mail: ana@jsmp.tl

Telefone: (+670) 33238883 | 77040735

Website: <https://jsmp.tl>

info@jsmp.tl